



Udruženje građana
"NOA – Društvo za zaštitu životinja"
Knjaza Miloša 57, 7800 Banja Luka, Bosna i Hercegovina
Telefon: 00387 65/933 617

Žiro račun: 567-162-19000072-39

<http://www.drustvonoa.org>

Izjava za štampu

Sve velike društvene zajednice od uvijek imaju problem rješavanja pitanja položaja životinja u urbanim sredinama. Od božanstva u Indiji do klaonice je mali put koji uređuju svi sistemi i pritom pokušavaju zadržati humano lice naivnog djeteta koje ne zna šta radi. Naše društvo vrlo malo ili ništa ne čini da se process humanizacije društva stavi u prvi plan. Radije se bavi posljedicama nego uzrocima pa je ukupna društvena kriza rezultanta takvih zbirnih pojava. Licemjerstvo ugrađeno u systemske kodove društva dovelo je do degeneracije civilizacije koja je svakim danom sve više u strahu od posljedica koje prijete u vidu ekoloških katastrofa. Kako god nastao ovaj život na planeti čovjeku je ostavljeno da odluči o opstanku ili uništenju.

Vjerujem da će ljudi biti ubijani i mučeni sve dok čovjek ubija i muči životinje – bit će i ratova – jer ubijanje se uči i vježba u malome iznutra kao i izvana. Sve dok ima životinja u kavezima bit će i zatvora. Sve dok ima porobljenih životinja – bit će i ljudskih robova. Jer držanje robova se vježba i uči u malom iznutra kao i izvana ako svi spavamo u uobičajenom. To uobičajeno je poput slasne šnicle koja nam omogućava progutati vlastitu bezdušnost, ne osjećajući njezin gorak okus.

Postizanje višeg nivoa svijesti čovječanstva vodi kroz odnos prema životinjama i prirodi.

Sramno ponižavanje istinskih civilizacijskih vrijednosti navelo je nas da se formiranjem društva "NOA" uključimo u svijetsku zajednicu. Nije li sve što zovemo kulturom putokaz koji nam pomaže pronaći put iz divljine? Umjetničko djelo, dobru knjigu, muziku moramo tek živjeti - kroz djelovanje.

To što se bavimo kulturom, okružujemo umjetničkim djelima tek je početak prihvatanja kulture. Kultura u postupanju prema okolini je viši nivo kulture i razlog više da težimo savršenijim oblicima ponašanja.

Društvo za zaštitu životinja “NOA”Banja Luka

**Predsjednik Društva
Dragomir Mijić**